

## Eibenstock

## Des war unner 3. EIMSTOCKER-MUND-ART-TRAFFN

Vürbereitung is allis, is Programm muss stimme un de Zeitn zwischn de aanzne Darbietunge halt aa. Die Bilde und Vidjos forn Biemer müssen dor Reih enooch eigericht warn, des muss aafach allis intakt sei, eh des Theater lus geht.

Blus – is derf nicht dorzwschnkumme! Aber wies halt su is, ruft mieh am vormittich de Fraa vun Bandoneon-Robert aa un saat, des ihr Maa mit Fieber in Bett lecht un nu net komme kaa. Unner Yves is



ja aa grad of ner Klassenfahrt un desserwagn wollt dor Robert in anern Bandoneonlehrgung mit bringe Un itze ging halt do gar nicht. Des hab iech gelei mein Seidel-Musikant geschriebln un hab gemaant, do müßt ar und dor Zither-Florian abn eweng meh Musik eispieln.

Net lang drauf ruft dor Thomas zerick un saat: „Dor Florian hat aa Fieber un kaa net!“ Aus leuter vorzeifling bi iech mittoch glei ze mein Friedemann un wollt ne for den Obnd als Dorsatz gewinne. Aber ach, dar hat an Obnd Kirchchor un do sei se blus zwee Männer, do kennt ar net fahln. Do muss is also irgndwie esu gieh.

Mei Technik hatt iech schu an viermittich noch aufgebaut un probiert un in Thomas seine Sach ham mir dann aa noch geschafft, do sei de erschn Besucher schu kumme. Un de erschn, die rei kame, war e Ehepaar aus Annaberg! Die ham des auf unnerer Innetseite gelaasn un warn sehr intressiert an unnerm Arzgebirisch. Dar Maa hat dann in ganzn Obnd lang allis fotografiert un gefilmt, wos nar ging.

Aber itze erscht emol zen Aafang: Gut besucht - 75 Leit warn kumme, fimfe ham siech aa noch krank gemaldt, aa Fieber, Hust un kaa Lust. Mit emol stand ne Fraa vorne am Eigang, die hatt iech gar net gekannt. Ach du lieber Himmel, des hat iech doch ganz vorgassn: do hat siech doch aane aagemalt vun MDR Radscho Sachs, mit dar hab iech doch e paar Tog vomewag telefoniert!

Die wollt gelei allerhand wissen, wie allis ableeft. Do isse aa schu mit ihm Mikrofon of unnerer Leit lusgezugn un hat se ausgefreet, warim se ihr Mundart su gem ham.

Anschließnd wurd de Soser Renate, de Eimstocker Lenkn un unnerer Denise interjuut. Zeletzt kam iech aa noch dra. (Die Gesprächle wurn fei schu am nächstn Tog halb dreie im Radscho gesendtl)

De Denise un iech ham halt zen Aafang alle harzlichst begrißt un dann hat iech aa schu in Eimstocker Marsch eigespielt per Compjuter, dor Text war an dor Leinwand ze saah, nar de letzn paar Takte ham eweng geholpert. Dann hat dor Thomas esu richtig lusgeleecht mit nem schen Lied. De Georgi, Renate aus dor Sose hat zenächst aane vu ihre lustign Geschichtn dorzählt, se kam nooch dor Pause dann noch

emol dra. Glei drauf sei 3 Lenkn-Sander-Gedichtle zur Dorinnering ans alte Eimstock vu dor Lenk, Sabine vürgetrogn wurn.

Mit nem Vidjo-Eispiel un nem schen Geschicht iebers Vorraasn wurd an ne Kempf- Wern dorinnert, dar hätt Heier sein 100. Geburtstich gehatt! Dor Wern hat gahrelang viel Vorastaltung im Kreiskulturhaus Aue moderiert un mit zahlreichn Geschichtn un Varschle unner arzgebirgsche Mundart alln Besuchern aus nah un fern viel Freid gemacht.

Ne kurze Geschicht iebers Rimhaartambem wurd mit unnerer Clara Angermann in Vorbindung gebracht un mit ihrer ganz besonderen Tambourier-Arbit lustich vorbundn un ihre Wuhlätichkaat for unnerer domalign Eimstocker Leitn ins rachte Licht gerickt.

Tja, un glei domooch hab iech emol probiert, wie e Schlacher-Hit of arzgebirgisch klinge tät: „Wos for Farb aht unner Walt?“ Des hat doze-

mol e klaner Gung sein Vater gefreet un dor Drafi Deitscher hat das Lied als einen seiner erfolgreichsten Hits raus gebracht. Na ja, des war ja nar su e weng Spass!

De Pause wurd genutzt, im alle mit Assn ze vorsorgn un de Trinkei aufzufilln, des ham de Q-Staller vu dor Kuch bis zen Bediene sehr gut gemaastert. Inzwischn war dor leber-raschingsgast, dor Riedel, Andreas aus Hundshübel aa- kumme. Iech hat schu Angst, des dar siech aa noch krank maldn tut. Dar hat mit seine lustign Lieder un Varschle allezam esu richtig aufgeheitert, zum Mitsinge un begeistertn Klatschn inspiriert. War do net zen Lachn kam, den kaa mor net halfn!

Su ging e wunnerschiens MUND-ART-TRAFFN ze end, is gab noch e paar Wurzelrudi- Fingerpüppen samt nom Flaschl „Eimstocker Bittern“, paar vu meine Büchle un e Blumesträisl. Öbs nächstis Gahr e 4. Traffn gibt?

*Bis dohie, blebt gesundun guter Hoffnung, eier Schmidt!*

